



SAKSFRAMLEGG

Saksnr:	Utval:	Dato
	Formannskap/plan- og økonomiutvalet	
	Kommunestyret	

Sakshandsamar:	Arkiv:	ArkivsakID
Tore Henrik Øye	FA-V09, FA-K21	23/618

VEDTAK AV OVERORDNA RETNINGSLINER FOR VAKSDAL KOMMUNE SI PRIORITERING AV MIDLAR TIL SPESIELLE MILJØTILTAK I JORDBRUKET (SMIL), 2024 - 2028

Vedlagte saksdokument:

Uttale - Vaksdal - kommunale overordna retningslinjer - spesielle miljøtiltak i jordbruket - SMIL 2024 - 2028

Endeleg framlegg til retningslinjer for SMIL-midlar, Vaksdal kommune, 2024 - 2028

Kommunedirektøren sitt framlegg til vedtak:

Kommunestyret vedtek kommunedirektøren sitt endelege framlegget til nye, overordna retningslinjer for Vaksdal kommune si prioritering av SMIL-midlar for perioden 2024-2028, med følgjande endringar etter gjennomført høyringsrunde:

- *Omgrepet «kommunal tiltaksstrategi» skal erstattast med omgrepet «overordna retningslinjer» i tråd med krava i regelverket for SMIL, jf. SMIL-forskrifta § 8.*
- *I pkt. 1.4 skal det leggjast til eit avsnitt om kven som har vore høyringspartar.*
- *Det skal under punkt 3.6, presiserast at SMIL-tilskot for å hindre attgroing, berre kan gå til tiltak som **ikkje** inngår som del av «vanleg jordbruksdrift», jf. innhaldet i omgrepet.*
- *Under pkt. 3.7 skal det presiserast at tilskot til fjerning av piggtråd, mellom anna for å fremje ferdsla og beiting i jordbrukslandskapet, berre kan gjevast til område med uavklarte eigar og-/eller ansvarsforhold, og ikkje til tiltak som inngår i «vanleg jordbruksdrift».*
- *Rette opp ord- og skrivefeil, utan å endre tyding eller innhald.*
- *Endre/presisere formuleringar som kan mistydast, utan at innhaldet vert endra.*

Vedtaket om nye, overordna retningslinjer for SMIL-strategien, er gjort i medhald av «Forskrift om tilskudd til spesielle miljøtiltak i jordbruket, §§ 1 og 8.

Kommunedirektøren skal gjer endringar i dei overordna retningslinjene i tråd med kommunestyret sitt vedtak.

Retningslinjene får verknad frå og med 01.01.24.

Retningslinjene skal gå fram av nettsidene til Vaksdal kommune, og gjerast kjent hos fagлага og målgruppene for ordninga.

Saksopplysningar:

Samandrag/konklusjon (kort om saka)

Vaksdal kommune har gjennomført høyringsrunde om nye, overordna retningslinjer for tildeling av tilskot til spesielle miljøtiltak i jordbruket (SMIL) for perioden 2024 - 2028.

Det kom inn høyringssvar frå Statsforvaltaren i Vestland, med konkrete framlegg til presisering/ending.

Kommunedirektøren si innstilling er å ta statsforvaltaren sine innspel til følge, jf. framlegg til vedtak. I tillegg vert det gjort framlegg om å rette opp ord- og skrivefeil, og formuleringar som kan mistydst. Alle endringar i framlegget til endelege retningslinjer, er merka med raud skrift.

Med bakgrunn i høyringsrunden, vert no endeleg framlegg til retningslinjer lagt fram for Formannskapet-/plan- og økonomiutvalet til handsaming.

Kommunedirektøren skal ferdigstille retningslinjene i tråd med FPØ sitt vedtak, og gjere dei tilgjengeleg på kommunen si nettside og blant målgruppene for SMIL-midlane.

Bakgrunn for saka

«Spesielle mildar i jordbruket» (SMIL), er ei eiga tilskotsordning i jordbruksoppgjeret. I dette høvet får Vaksdal kommune tildelt ei årleg ramme frå statsforvaltaren, som grunnlag for tildeling til lokale tiltak etter søknad.

Føremålet med SMIL-midlane er å fremje natur- og kulturminneverdiane i jordbruket sitt kulturlandskap, og å redusere ureiningsfaren frå jordbruket, ut over kva ein kan vente gjennom vanleg jordbruksdrift. Prosjekt og tiltak skal prioriterast ut frå lokale målsetjingar og strategiar, jf. § 1 i SMIL-forskrifta.

Vaksdal kommune sine overordna retningslinjer for perioden 2018 - 2022, med forlenging til og med 2023, går no ut, og må fornyast innan nyttår.

I møtet av 30.05.23, vedtok Formannschafts-/plan og økonomiutvalet å sende kommunedirektøren sitt framlegg til nye retningslinjer for perioden 2024 – 2028, på offentlig høyring, i tråd med forvaltingslova § 37 og SMIL-forskrifta § 8. Høyringsframlegget vart i dette høvet sendt til følgjande partar for uttale:

- Eksingedalen/Vaksdal bondelag
- Voss Bonde- og Småbrukarlag
- Vaksdal Sau og Geit
- Bergsdalen jordbrukslag
- Statsforvaltaren i Vestland
- Vestland fylkeskommune

Høyringsframlegget vart sendt ut 10. august, med 2. oktober som høyringsfrist.

Det kom inn høyringssvar frå Statsforvaltaren i Vestland.

Innhaldet i uttalen frå statsforvaltaren går fram under «Vurdering og konsekvensar».

Formelt grunnlag:

- [«Forskrift om tilskudd til spesielle miljøtiltak i jordbruket»](#), med Rundskriv 2021/18

Vurdering og konsekvensar:

Statsforvaltaren seier i sin uttale at det er gjort eit godt arbeid med å skildre status for landbruket i kommunen, i tillegg til å skildre natur- og kulturverdiar og utfordringar knytt til desse. Dette som bakgrunn for prioriteringane som er gjort i framlegget til overordna retningslinjer for bruk av SMIL-midlane.

Statsforvaltaren kjem følgjande framlegg til presiseringar/endingar:

- *Omgrepet «kommunal tiltaksstrategi» i høyringsframlegget, bør gjennomgåande erstattast med omgrepet «overordna retningslinjer», i tråd med krava i regelverket for SMIL, jf. SMIL-forskrift med rundskriv.*
- *Det bør i pkt. 1.4, nemnast kven som fekk høyringsframlegget til uttale.*
- *Det bør i pkt. 3.6, presiserast at eventuelle SMIL-tilskot til for å hindre attgroing, berre kan gå til å tiltak som ikkje inngår i «vanleg jordbruksdrift», jf. definisjonen.*
- *Det bør under pkt. 3.7, presiserast at tilskot til fjerning av piggtråd, til dømes for å fremje ferdsla og beiting i jordbrukslandskapet, berre kan gjevast til område med uavklarte eigar og-/eller ansvarsforhold, og ikkje til føretak/eigedomar med «vanleg jordbruksdrift».*

Kommunedirektøren gjer framlegg om at alle merknadane frå statsforvaltaren vert tekne til følgje, med konkretisering i framlegget til vedtak. Heile uttalen går fram av vedlegg til sakshandsaminga.

Elles legg kommunedirektøren opp til å rette ord-/skrivefeil og formuleringar som kan mistydast, utan at innhald og tyding vert endra.

Etter vedtak i kommunestyret vil kommunedirektøren gjere endingar i tråd med vedtaket, og gjere kjend dei endelege retningslinjene på nettsidene til kommunen, og blant målgruppene for SMIL-ordninga.